

Na osnovu clana 3. Zakona o ograničenoj upotrebi duhanskih prerađevina, Upravni odbor Internacionalnog Burč Univerziteta, na IV sjednici održanoj dana 05.03.2009. godine, d o n i o j e

**PRAVILNIK  
O PROVOĐENJU ZABRANE PUŠENJA NA INTERNACIONALNOM BURČ  
UNIVERZITETU**

**I OPĆE ODREDBE**

**Član 1.**

Ovim Pravilnikom uređuje se zaštita i odgovornost zaposlenih i studenata Internacionalnog Burč Univerziteta (u daljem tekstu Univerzitet) za sprovođenje mjera zaštite nepušača od djelovanja duhanskog dima, kao i naknada štete od zaposlenika i studenata koji se ne pridržavaju mjera zaštite utvrđenih ovim Pravilnikom.

**Član 2.**

Pod nazivom zaposleni podrazumijevaju se sve osobe koje su u radnom odnosu, kao i angažovani spoljni saradnici na Univerzitetu bez obzira koju funkciju, odnosno poslove obavljaju na Univerzitetu.

**II ZABRANA PUŠENJA**

**Član 3.**

Pušenje je zabranjeno u svim radnim prostorijama Univerziteta.  
Pušenje je zabranjeno na radnim sastancima organiziranim na Univerzitetu u prostorijama Univerziteta ili u drugim prostorijama.

**Član 4.**

Izuzetno od odredbe clana 3. ovog Pravilnika, Rektor će po potrebi odlukom odrediti prostoriju, odnosno prostor u kojem je pušenje dozvoljeno.  
U prostoriji odnosno prostoru u kojem je pušenje dozvoljeno, mora biti vidno istaknut odgovarajući znak ili obavijest o tome.

**III. ODGOVORNOST ZAPOSLENIH**

**Član 5.**

Zaposleni koji se ne pridržava odredbi o zabrani pušenja na način utvrđen ovim Pravilnikom čini povredu obveze iz radnog odnosa.

Za slučaj da zaposleni, nakon upozorenja da pušenjem čini povredu obveze iz radnog odnosa, ponovno krši odredbe ovog Pravilnika, pokrenut će se postupak redovnog otkazivanja radnog odnosa.

#### **Član 6.**

Ukoliko Univerzitet pretrpi štetu iz razloga što se zaposleni ne pridržava odredbi o zabrani pušenja, Univerzitet ima pravo potraživanja od zaposlenih cjelokupnog iznosa pretrpljene štete.

Iznos naknade štete utvrdit će se na osnovu vjerodostojne dokumentacije Univerziteta o pretrpljenoj šteti.

#### **Član 7.**

Ako Univerzitet i odgovorna osoba bude ponovno kažnjena za ponovljeni prekršaj zabrane pušenja i to radi pušenja u radnim prostorijama od strane istog zaposlenog, može tome zaposlenom otkazati ugovor o radu u skladu i po postupku utvrđenom zakonom i opštim aktima društva.

### **IV. POSTUPAK ZA NAKNADU ŠTETE**

#### **Član 8.**

Postupak za naknadu štete provodi Rektor, odnosno od njega ovlaštena osoba.

Postupak se pokreće po plaćenju kazni od strane Univerziteta za prekršaj zbog kršenja zakonske odredbe o zabrani pušenja u radnim prostorima.

#### **Član 9.**

Po pokretanju postupka zatražit će se izjašnjavanje zaposlenih i studenata o povredi radne obaveze koja je prouzrokovala štetu za Univerzitet.

Odluku o naknadi štete donosi Rektor, odnosno ovlaštena osoba vodeći računa o svim činjenicama od značaja za donošenje takve odluke:

- o otežavajućim i olakšavajućim okolnostima;
- o socijalnom stanju zaposlenika;
- o visini materijalne i nematerijalne štete za Univerzitet.

Odluka treba sadržavati obrazloženje i uputu o zaštiti prava zaposlenog.

#### **Član 10.**

Pravosnažna odluka o naknadi štete može se provesti uz suglasnost zaposlenog.

Za slučaj da zaposleni uskrati suglasnost, Univerzitet može naknadu štete ostvariti u redovnom sudskom postupku.

**V PRELAZNE I ZAVRŠENE  
ODREDBE**

**Član 11.**

Za provođenje odredbi ovog Pravilnika odgovorni su rukovodioci pojedinih Službi Sekretarijata Univerziteta.

**Član 12.**

Ovaj Pravilnik stupa na snagu osmog dana od dana donošenja.  
Pravilnik će se objaviti na svim oglasnim mjestima Univeziteta i biti izložen na vidljivom mjestu u prostorijama u kojima zaposleni redovno borave tokom radnog vremena.

Broj: 145-09-IBU

Sarajevo, 05.03.2009god.

**Predsjednik Upravnog odbora  
Fatih Gursoy**

---